



Osmorka pala zbog trgovine drogom

M. LINGO-DEMIROVIĆ

SARAJEVO, ZVORNIK - Osam osoba uhapšeno je juče u jutarnjim satima na području Sarajeva, Zvornika i Bihaća zbog organizovanog kriminala i trgovine drogom, a među njima su i Ali Lokaj, Muharemi Nijazi, Hakija Mehović i Nermin Planinčić.

Akciju kodnog naziva "Oskar" juče ujutro započeli su dje-

latnici Državne agencije za istrage i zaštitu (SIPA), a uhapšeni su: A.L. (57), M.N. (51), H.M. (53), N.P. (38), V.M. (64), E.I. (35), A.E. (51) i R.B. (46) zbog postojanja osnova sumnje da su počinili krivično djelo organizirani kriminal, u vezi s krivičnim djelom neovlašteni promet drogama.

Izvršeni su pretresi objekata na deset lokacija, prilikom čega je pronađeno i privremeno odu-

zeto najmanje 1.050 grama praškaste materije koja svojim izgledom asocira na opojnu drogu heroin i oko 800 grama smjese za miksiranje narkotičkog sredstva, precizna digitalna vaga, pribor za miješanje i pakovanje narkotičkih sredstava, kao i drugi predmeti koji mogu poslužiti kao dokaz u daljem postupku.

Osobe lišene slobode u okviru akcije "Oskar" osumnjičene su da su kao pripadnici or-



HEROIN
Zaplijeno više od kilogram heroina

ganizirane kriminalne grupe kontinuirano, od juna do decembra 2014. godine, vršili neovlašteni promet opojne droge

heroin i skank s područja Makedonije, Crne Gore i Kosova na područje BiH i dalje radi pribavljanja protivpravne imovinske koristi. U navedenom periodu u tri navrata izvršena je zapljena od ukupno 1.200 grama opojne droge heroin i 500 grama opojne droge skank na području BiH i Republike Srbije, te je do sada slobode lišeno pet osoba, pripadnika organizirane kriminalne grupe.